

## 快樂客家妹

細紅妹：細妹恁靚、細妹恁靚，就像一蕊花、白白个牙齒、紅紅个嘴唇，實在得人惜大家好，□係快樂个客家妹。

桐花姊：奇怪、奇怪真奇怪，食飯擎碗公、做事尋衫著，朝朝睡到日頭曬屎脰个懶尸妹今晡日煞變到快樂个客家妹。

細紅妹：桐花姊，你無目珠仁，也有兩個目珠窟，□係快樂个客家妹，無係懶尸妹。

桐花姊：唉 - 老古人講：醜人多照鏡，窮人多算命，一息仔就毋會差。

細紅妹：明知□臭頭，還愛脫□帽子，無愛緊，□係醜人自有醜人愛，懶人自有懶人福个快樂个客家妹。

桐花姊：斷真係大面神，好啦，好啦，敢擎獅頭、就愛曉得弄，該你講講看阿，做什麼你係快樂个客家妹。

細紅妹：好啊，你耳角角聽好：姐婆同□講：頭擺个客家妹，會裁會剪會繡花會籌會算會做家。

桐花姊：錯啊，人人阿腦客家妹勤儉煞猛又做家。

細紅妹：姐婆講□係快樂个客家妹，會食會睡會唱歌，會搞會講會過家。

桐花姊：麼个呀？妳再講一遍。

細紅妹：□係快樂个客家妹，會食會睡會唱歌，會搞會講會過家。

桐花姊：懶尸妹就係懶尸妹，講去講轉還係食還係睡還係搞。

細紅妹：等一下、等一下，桐花姊聽話毋好聽單頭話，頭來尾去係這幾日，□看到客委會拍个影片-柿子色个街燈裡肚个阿姨婆就想到□个姐婆。

桐花姊：哦！會煮魚飯个阿姨婆喔。

細紅妹：錯，毋過□姐婆毋會煮魚飯，當會煮客家菜，分□餐餐食飯擎碗公，愛轉屋下，還有粿仔、粽仔做等路。

桐花姊：兩點打兩下，無母著。老古人講：頭擺个客家妹，從細就愛學會灶頭鑊尾，故所係最慶个廚師。

細紅妹：還有姐婆歇个紅瓦大伙房，就像遊樂場，騎自行車，澆蜆仔，煨蕃薯，  
輒輒搞到斷烏，姐婆喊食飯，正知好轉。

桐花姊：難怪喔，會食又會搞。

細紅妹：桐花姊你看□一下。

桐花姊：有麼个好看？有目珠，有鼻公會透氣。

細紅妹：實在係紅木準樵燒-毋識貨。

桐花姊：麼个毋識貨？

細紅妹：姐婆針頭線尾个手藝一等慶，著新衫毋使用錢買，

細紅妹：噢！難怪今晡日靚妮妮，原來係姐婆做新衫分你著。

細紅妹：毋單淨恁啲喔，□還有沙鼻个事還言講。

桐花姊：聽你淋滾水喊醉，騙人毋識，無頭無腦个人，會有麼个沙鼻个事。

細紅妹：就同你講過，看人莫看短，□最愛跣姐婆過家寮，隔壁叔婆、伯姆聽  
□會講客家話、當儕就阿腦□恁岐嶷。

桐花姊：確實有樣，這下當多細人仔，毋會講客話，同阿公、阿婆無話講，轉  
去屋下就像生份人樣仔。

細紅妹：係呀，姐婆講：離鄉不離腔，□會講客話，係不係當沙鼻。

桐花姊：錯，錯錯，快樂个客家妹你恁風神講到恁多，該你知「家有一老，  
當過一寶」个道理言？

細紅妹：□知□知，爺哀同□講過：天下父母親，望子成龍費苦心，父母恩情  
愛曉得報，當過燒香拜神明。

桐花姊：唉呦！今晡日，難得快樂个客家妹恁慶，了解「敬老得福，敬禾得穀」

細紅妹：哈哈，因為□有一儕「惜花蓮盆，惜子連孫」个姐婆，你講□係不係  
快樂个客家妹。

桐花姊：雞癩生卵-確確係，有爺有娘金銀寶，無爺無娘路邊草，做人子女寅  
時卯時愛記的「無个嘍嘍婆，項項無」，

合：愛有孝，正係幸福，快樂个客家妹。